


聖濟總錄

自七十

庫文閣内	
内閣文庫	
番號	漢 12609
冊數	200 (168)
函號	300 212





大學東
校典
局之

大德
重校
聖濟
總錄

卷第一百七十
小兒門

大德重校聖濟總錄卷第一百七十

小兒慢驚風

小兒驚悸

小兒驚啼

小兒夜啼

圖書印

總錄一百七十

小兒慢驚風
 小兒驚風
 小兒驚風
 小兒驚風
 小兒驚風
 小兒驚風
 小兒驚風
 小兒驚風
 小兒驚風
 小兒驚風
 小兒驚風

小兒慢驚風

論曰小兒慢驚者痼病發於陰也由在胎時稟受不足

心氣虛弱外中風邪入於府藏其發則手足痠瘓頭目

搖動牙關緊閉神情如醉休作有時潮搐不定者謂之

陰痼其治療也外以灸法內以藥餌臨機制變可謂上

工若證見息高魚口泄汗遺尿者在所不治

治小兒慢驚體熱忽發吐逆夜多啼叫或泄或秘變成

慢驚或為疳疾定搐搦墜痰涎鎮心藥疳如聖青金丸

方

龍腦 壹錢

香墨 壹錢半

使君子 兩枚
慢火煨熟

膩粉

麝香各壹分

白麩參錢

青黛貳錢

金薄

銀薄各壹拾片

右九味同研勻細滴井華水和丸如雞頭實大每服
一丸慢驚者用冷薄荷水化下服訖即睡睡覺取下
涎從大便出立愈後更與三兩服如此小驚及急驚
只服半丸

治小兒慢驚虛困痰涎不利羌活丸方

羌活壹兩 白殭蠶炒半兩貳

硫黃各壹分 水銀各壹分 硃砂各壹分

右四味合研勻細鍊蜜和丸如豌豆大四五歲每服

二九三歲以下一丸煎金銀荆芥薄荷湯化下

治慢驚風琥珀丸方

琥珀 犀角末各壹錢 真珠末

天南星酒浸燹炒 牛黃

龍腦研 麝香研各壹字 丹砂研壹分

乾蠍柒枚全者炒

右九味搗研為細末鍊蜜丸如雞頭實大每服一丸

煎菊花湯化下

治小兒慢驚風回魂煎方

天南星壹枚重參錢者燒地坑子令赤用醋潑下天南星以梳子合定勿透氣去皮臍取貳

錢

白附子

參枚生用

烏蛇

肆寸用酒浸去皮骨炙

蜈蚣

壹條酒炙

棘剛子

參拾枚

乾蠍

全者柒枚炒

水銀沙子

兩皂子大

丹砂

膩粉

各壹分

麝香

犀角末

乳香

各壹錢

金薄

參片共沙壹處研

牛黃

龍腦

各半錢研

右一十五味搗研勻細用石腦油為膏旋丸如豌豆大每服一丸薄荷湯化下

治小兒慢驚風天南星煎丸方

天南星

壹兩細剉水貳盞微火熬至半盞去滓重熬成膏

白附子

半兩炮

天麻

壹兩

乾蠍

壹分炒

右四味搗羅三味為末入天南星膏內和丸如棗豆

大三五歲兒每服二丸薄荷湯下五六歲兒三九日

再服更量兒大小加減不拘時

治小兒慢驚風天漿子散方

天漿子

白殭蠶

炒

乾蠍

各參枚

右三味搗羅為散每服一字匕煎麻黃湯調下日三

服汗出為効更量兒大小加減不拘時

治小兒慢驚風潮發搐搦項筋緊強紫霜散方

白花蛇

酒浸壹宿去皮骨炙壹兩

鐵粉

半兩研

丹砂

研

白附子

炮

蠍梢

各壹分

麝香壹錢

右六味搗研為細散每服半錢匕薄荷湯調下不拘

治小兒慢驚風乾蠍散方

乾蠍伍枚全者炒

細辛去苗

乳香研各壹分

青黛研

白附子炮各半兩

右五味搗研為細散每服半錢匕煎冬瓜子湯調下

不拘時

治小兒慢驚風兼內外俱虛羌活煎方

羌活去蘆頭

防風去

桂皮去麩

獨活去蘆頭

人參各壹分

白附子半兩

乾蠍全者炒

白殭蠶炒各壹錢

水銀大一二錢

硫黃研各貳錢

右一十味搗羅八味為末次鎔硫黃成汁次入水銀

為沙子放冷細研入衆藥末用棗肉蜜和成煎每服

一大豆許煎防風湯化下紫參人參湯亦得一方去

白殭蠶加茯苓一分

治小兒慢驚風搖頭閉目歸魂丸方

金薄拾伍片研

丹砂研

膩粉研

牛黃研

青黛研

白殭蠶炒

蟬殼去土

白附子炮

乾蠍全者

防風去土

犀角鎔

天南星炮各壹分

天麻兩半

棘剛子拾貳枚

右一十四味為細末鍊蜜和丸如梧桐子大每服一

丸薄荷湯化下妳食後臨睡服人參湯送下

治小兒慢驚風墜涎真珠丸方

真珠

牛黃

丹砂

雄黃

膩粉各壹分研

右五味合研勻細用粳米飯和丸如黃米大一二歲

兒每服三丸薄荷湯下日三更量兒大小加減

治小兒慢驚風吐逆不定胃虛生涎多驚饒睡丁香丸

方

丁香壹分

半夏

參枚湯洗拾

水銀

鉛各壹分

蠍梢肆拾玖枚

右五味合研勻細用熟棗肉和丸如菘豆大每服五

丸至七丸量兒大小加減並用荆芥薄荷湯下大人

虛風痰涎丸如梧桐子大一服七丸至十九

治小兒慢驚風四肢搐搦五靈脂丸方

五靈脂

白附子生

天南星生

乾蠍各壹兩

蟬殼半兩生

右五味搗羅為末醞醋一盞藥末一兩同熬成膏入
餘藥末和丸如菉豆大未滿月兒妳汁化破一九二
歲以下二丸漸大以意加減用金銀薄荷煎湯化下
鼻上汗出即愈

治小兒慢驚風心神悶亂煩懊不安筋脉拘急胃虛蟲
動反折啼叫乳香丸方

乳香盞子內鑿胡粉盞

右二味合研勻細用白頸蚯蚓生捏去土爛研和就
為丸如麻子大每服七丸至十九丸煎葱白湯下更量
兒大小加減

治小兒慢驚風乾蠍天麻散方

乾蠍全者拾枚炒

蔓陀羅染

天麻

乳香研

天南星炮

丹砂研各壹分

右六味搗研為細散每服半錢匕薄荷湯調下不拘
時

黃散方

麻黃染節以兒柴節比薄荷全者柴葉

乾蠍全者壹枚

右三味各炒黃色合搗研為細散每服半錢匕溫薄
荷水調下更量兒大小加減服後畧以衣被蓋之汗

出立差

治慢驚龍搐煎方

丹砂研

水銀

天南星炮

黃精賦粉 研

薄荷

白附子炮

乾蠍全首炒 各壹分

右七味為細末用石腦油和成煎每服一大豆許薄

荷湯化下

治小兒慢驚風多涎腹脹潮熱發渴搐搦萬靈丹方

牛黃壹錢 細研

麝香半錢 細研

熊膽半錢 細研

膩粉半錢 細研

乾蝎伍枚 微炒

朱砂壹分 細研

巴豆參枚 去皮 心生 研 木香半錢

白附子參枚 炮裂

蟬殼柒枚 微炒

右一十味先擣羅四味為細末次入六味都研令勻

鍊蜜為丸如黍米大每服三丸煎薄荷荆芥湯下量

兒大小加減

治小兒慢驚風搐搦煩熱犀角丸方

犀角屑 壹分

蟬殼貳柒枚 微炙

天漿子貳柒枚 麩炒 去殼

牛黃壹分 細研

青黛壹分 細研

烏蛇半兩 酒浸 去皮 炙 令黃

地龍壹分 微炒

蟾酥半錢 鐵器 上焙 過研 朱砂半兩 水飛 細研

防風半兩 去蘆頭

蠶紙壹張 燒灰

麝香壹分 細研

右一十二味先搗七味為細末次入五味都研令勻
鍊蜜為丸如黍米大每服兩丸煎荆芥湯下大人風
癩取活蠶蝮蟲不拘多少研如泥生麩和丸如雞頭
實大捏作餅子煨灰火煨熟每嚼一餅子煎荆芥湯
下前藥十九丸更量大小虛實加減

治小兒慢驚風潮發摩化龍腦丸方

龍腦

麝香

盧會

熊膽

膩粉各半

胡黃連

使君子

青黛研各壹錢

香墨半兩

右九味搗羅胡黃連使君子為末餘研極細滴水和

丸如梧桐子大每服二九煎金銀薄荷湯摩下經宿
取惡物便安

治小兒慢驚風胸膈痰涎咽喉壅塞身體壯熱筋脉拘
急時或發渴盧會散方

盧會

龍骨

雄黃

麝香研各半分

胡黃連

青黛

木香

丁香

牛黃

天竺黃

熊膽

乾蠍

膩粉

丹砂

犀角

附子炮裂去皮臍

人參

沉香各壹分

右一十八味搗研為散每服半錢匕薄荷湯調下
治小兒虛風慢驚搐搦項筋緊強手足逆冷腰背拘急
再生丸方

蜈蚣壹條酒浸 乾蠍全者柒枚炒 蠶蛾拾枚炒

白殭蠶直者炒 丹砂研各壹分 天南星炮

白附子炮 麝香當門子各壹枚

薄荷心柒枚 龍腦研 水銀錫結沙各壹錢

棘剛子貳拾枚炒

右一十二味搗研為細末研勻以石腦油和劑油單
裹每服旋作一九如黍米大冷水化下須發前服三

服必効後服睡脾散

治小兒慢驚風睡脾散方

桑螵蛸肆枚 乾薄荷葉 乾蠍全者炒

人參 乾山芋 天南星炮

半夏生薑汁浸透切焙各壹分

右七味搗羅為細散每服半錢匕麝香粟米飲調下

治小兒虛風釣藤煎方

釣藤 防風去 芎藭

天麻酒浸切焙 麻黃去根節各壹分 荆芥穗

蟬殼去土 蠍梢炒各半兩 白殭蠶拾肆枚炒

薄荷心貳拾陸枚酒浸焙

龍腦

麝香各壹字研

右一十二味搗研為細末鍊蜜和成煎每服皂子大荆芥紫參湯化下

治小兒慢驚風涎塞咽喉服利藥過度者麝香餅子方

麝香研

膩粉各參錢七

定粉貳錢七

右三味研令勻細以香墨研濃汁和丸捏如編豆大每服一餅薄荷湯化下

治小兒慢驚神識昏塞時發時省手足搐搦目睛直視

天麻丸方

天麻

白僵蠶炒

乾蠍去土炒

白附子各貳錢

牛黃研

丹砂研

麝香研各半錢

雄黃研壹錢

右八味搗研為末鍊蜜和丸如雞頭實大每服一丸薄荷湯化下量兒大小加減服

治小兒慢驚風手足瘳癎神情如醉桃紅散方

天南星炮

烏頭炮裂去皮臍

白附子炮

天麻各半兩

乾蠍微炒貳拾壹枚

丹砂研壹分

右六味搗研為細散每服一字或半錢匕旋入牛黃龍腦各少許煎麻黃湯調下日三

治小兒慢驚風久不差天竺黃散方

天竺黃壹分 人參壹分 胡黃連壹分

使君子壹分 半夏壹分 薑壹分 藿香壹分

丹砂壹分 麝香壹分 蠟壹分

甘草壹分

右一十味將八味搗為細散入丹砂麝香研勻每服一字匕冷蜜湯調下熟水亦得量兒大小加減服

小兒驚悸

論曰心藏神而惡熱小兒體性多熱若感風邪則風熱搏於府藏其氣鬱憤內乘于心令兒神志不寧故發為

驚若驚甚不已則悸動不寧是為驚悸之病

治小兒驚悸不安紫金散方

鐵粉 龍齒 石膏

牛黃壹分 甘草壹分

右五味先搗龍齒石膏為末與諸藥同研如粉每服半錢匕用淡竹瀝調服三四歲兒每服一錢匕日三

服早晨午間日晚各一量兒大小以意加減

治小兒壯熱驚悸并熱瘡出人參湯方

人參壹分 茯苓壹分 龍齒壹分

鈞藤壹分 蚱蟬壹分 麥門冬壹分

杏人去變人皮尖焚炒令熟壹兩半

蛇蛻皮微炙令黃貳寸

右八味麤搗篩一二歲兒每一錢匕水半蒸煎至三分去滓入牛黃一豆許大分溫二服空心午後各一

量兒大小以意加減

治小兒壯熱時氣驚悸并熱瘡出釣藤湯方

釣藤兩壹

人參兩壹

蚱蟬微炙去翅足壹兩

黃芩去黑心壹兩

蛇蛻皮微炙令黃色參寸

龍齒研如粉壹兩

防風去叉半兩

澤瀉兩半

右八味麤搗篩一二歲兒每一錢匕水半蒸入竹瀝半合石蜜少許同煎至四分去滓分溫二服空心午

後各一更量兒大小以意加減

治小兒心熱驚悸牛黃散方

牛黃研壹分

天竺黃研半兩

鉛白霜研半兩

玄明粉研壹兩

人參兩半

白茯苓去黑皮半兩

右六味搗羅人參茯苓為末同牛黃等研為散一二

歲兒每服半錢匕用薄荷湯調服三四歲兒每服一

錢匕日三服早晨午間日晚各一量兒大小以意加

減

鎮心神涼咽膈壓驚悸退壯熱化風涎大丹砂丸方

丹砂研水飛過

甘草炙

白茯苓去黑皮各貳兩

人參 兩壹

馬牙消 分研壹

蓬砂 錢研參

牛黃 錢研半

龍腦 研

麝香 錢研各壹

右九味搗研為末鍊蜜和丸如雞頭大每服一九用

竹葉湯化下食後臨睡服大小以意加減之

治驚悸退壯熱止涎嗽利咽膈除眠睡不穩丹砂丸方

丹砂 錢研水飛

半夏 湯洗柴

乳香 錢研半

人參

白茯苓 去黑皮 各半兩 天南星 炮裂 壹兩

牛黃 錢研貳

龍腦 錢研壹

右八味搗研為末用白麵糊和丸如麻子大三歲兒

服十丸至十五丸不拘時用竹葉乳香湯下量兒大

小加減

治小兒驚熱筋脉抽掣夜臥驚悸四肢煩熱天竺黃散

方

天竺黃 兩研半

鬱金 漿水煮 壹分

粉霜 研壹分

鉛白霜 分研壹

山梔子 人兩

右五味搗研為散一二歲兒每服半錢匕用新汲水

調服三四歲兒每服一錢匕日二早晨日晚各一更

量兒大小以意加減

治小兒虛熱驚悸睡中時叫麥門冬湯方

麥門冬 去心焙 壹兩半 人參 兩半

龍骨 兩壹

茯神去木

甘草多壹分

犀角屑兩半

右六味麤搗篩一二歲兒每服一錢匕水七分入生

地黃汁少許同煎至四分去滓溫服日三四服量兒

大小以意加減

治小兒風熱驚掣心忪恐悸茯神湯方

茯神去木

龍齒兩半

寒水石研壹分

升麻參分

石膏研壹兩

麥門冬去心焙參分

右六味麤搗篩一二歲兒每服一錢匕水七分入竹

瀝少許煎至四分去滓溫服日三夜一量兒大小以

意加減

治小兒風熱心神驚悸睡臥不安真珠丸方

真珠末

羌活去蘆頭

防風去義

鈎藤

龍膽

天竺黃研

升麻

牛黃研各壹分

茯神去木

人參

羚羊角屑

犀角屑各壹兩

鉛霜

龍腦

麝香各壹錢研

右一十五味搗研為末鍊蜜丸如棗豆大每服用荆

芥薄荷湯研下五丸日三四服常服化一切驚涎

治小兒精神不爽寢寐多驚心忪恐悸四肢戰掉舉動

欲倒狀類暗風或煩躁多啼退驚風化痰壅壯心氣益

精神大鎮心丸方

生犀角壹兩 羚羊角壹兩 龜甲壹兩

亦箭各半 牛黃壹兩 茯神壹兩

遠志壹兩 真珠末壹兩 人參壹兩

桂皮壹兩 天竺黃壹兩 蛇蛻皮壹兩

龍腦壹兩 鐵粉壹兩 麝香壹兩

苜蓿各半 丹砂各半 金薄壹兩

銀薄拾片

右一十九味搗研為末鍊蜜丸如梧桐子大每服一丸至二丸食後臨臥薄荷湯化下更量大小加減

治小兒驚悸眠睡不穩金薄丸方

金薄肆拾片 丹砂壹兩 水銀壹兩

膩粉各半 麝香壹兩 牛黃壹兩

青黛壹兩 犀角末 白僵蠶直者

蟬殼去土 白附子壹兩 乾蠍去土

天麻酒浸壹宿焙乾 麻黃去節 天南星壹兩

右一十五味青黛已上七味研勻餘者搗羅為末同

而七味再細研用生蜜和勻成劑旋丸如梧桐子大每

服一丸薄荷自然汁化下量兒大小加減

小兒驚啼

論曰心藏神神安則藏和故小兒晝得精神安而夜得
穩眠若心氣不和邪熱乘之則精神不得安定故暴驚
而啼叫也

治小兒驚啼牛黃丸方

牛黃

丹砂

盧會

麝香各研如粉

白僵蠶

龍齒

當歸焙切

芍藥

鈞藤

蝸牛麩炒令黃色

代赭

牡蠣燒過各壹分

右一十二味除前牛黃等四味研外餘並搗羅為細末更同四味研勻鍊蜜和丸如麻子大一月及百日

兒每服三九半年至一歲兒每服五丸並薄荷湯下
日夜三四服量兒大小加減

治小兒驚啼五驚龍角丸方

龍角鎊

黃芩去心

大黃微炒各半兩

牡丹皮壹分

蚱蟬壹枚炙去頭

牛黃如小豆大伍枚研入

右六味搗羅為末鍊蜜為丸如麻子大每服二粒用
米飲下日夜共五服更隨兒大小加減一方去牛黃

治小兒風熱驚啼蛇黃散方

蛇黃搗碎

犀角鎊

人參

白茯苓去黑皮

防風去

細辛去苗

蚱蟬去翅足

乾蠍微醃

丹砂研

母丁香

山茱萸微炒

甘草炙

牛黃研各壹分

右一十三味搗羅為散更研令細一二歲兒每服一

字七用竹瀝調服三四歲兒每服半錢七日三服不

拘時候

治小兒因客忤驚啼千金湯方

蜀漆炒令烟出半兩左顧牡蠣燒過壹分

右二味麤搗篩一二歲兒每一錢七以漿水半盞煎

至三分去滓分溫二服空心日午各一兼治小兒著

禁更隨兒大小以意加減

治小兒驚熱多啼不喫乳虎睛丸方

虎睛細研貳枚

犀角屑壹兩

黃芩去黑心

梔子人

大黃剉碎微炒各半兩

右五味除虎睛外搗羅為末再同研勻鍊蜜和丸如

麻子大每服以粥飲下五丸日三四服量兒大小加

減

治小兒驚熱啼叫睡臥不安清神散方

牛黃研

天竺黃研

鉛白霜研

鬱金

麥門冬去心焙

甘草炙各壹分

人參兩半

右七味搗研為細散每服半錢匕人參湯放冷調下

乳食後服

治小兒體熱忽發吐逆夜多驚啼或泄或秘變成慢驚

或為疳疾定搖搗藥疳蟲墜涎痰安心神青金丸方

龍腦研

麝香研各壹分 墨壹錢

使君子煨兩枚

膩粉壹分 白麩參分

青黛貳錢

金銀薄各少許

右八味搗研為末滴井華水和丸如雞頭大每服薄

荷湯化半丸

治小兒夜多驚啼欲成癩候雞腦丸方

雄雞腦壹分

丹砂研細半兩 牛黃研細壹分

當歸切焙壹分

右四味將當歸搗末以雞腦丹砂等拌和搗勻為丸

百日兒服如黍米大一丸日再服更看兒大小以意

增減並用薄荷湯下

治小兒癩候胎寒舌下聚唾夜啼不止雀屎丸方

雀屎微炒

麝香細研

牛黃細研各壹分

右三味搗研令勻鍊蜜和丸如黍米大一月兒一丸

百日兒二丸並用乳汁下日再更看兒大小以意加

減

治小兒驚啼積熱顏色萎瘁腹中堅積不可乳哺去風

癰除百病虎睛丸方

虎睛人研壹枚犀角兩層壹兩黃芩半兩去黑心

大黃到碎炒令香熟梔子人各參分

右五味搗研為末鍊蜜和丸如麻子大一二歲兒用

乳汁研破三丸服之三四歲兒每服五丸溫水研破

服之不拘時候微利為度若利頻隔日一服如兒有

虛熱更入知母半兩量兒大小加減服之

治小兒驚啼乳不消化升麻湯方

升麻

芍藥

甘草

大黃到炒各半兩

右四味蠶搗篩一二歲兒每服一錢匕水半盞煎至

三分去滓溫服乳食後日三服量兒大小加減

治小兒心熱驚啼黃芩散方

黃芩去黑心人參各壹分

右二味搗羅為散每服一字匕竹葉湯調下不拘時

候服

治小兒驚啼手足搐搦代赭丸方

代赭生用半兩

鐵粉研

丹砂研

白附子各壹錢 麝香研 龍腦研各壹字

右六味搗研細勻鍊蜜和丸如櫻桃大量大小加減薄荷湯化下

治小兒驚啼及夜啼不止真珠丸方

真珠末 伏龍肝 丹砂各壹分

麝香壹錢

右四味同研如粉鍊蜜和丸如菘豆大候啼即溫水下一丸量大小以意加減

治小兒夜啼龍齒丸方

龍齒 白殭蠶 當歸焙切

芍藥 蝸牛 釣藤各半兩

代赭研 牡蠣煨各兩 麝香研

牛黃研各壹分

右十味搗研勻細鍊蜜和丸如菘豆大二歲兒三九井華水化下量兒大小以意加減

治小兒驚啼眠睡不穩桃紅丸方

丹砂 麝香各半錢研 白附子半枚

白殭蠶壹枚 乾蠍頭尾全壹枚 膩粉壹錢七研

金薄 銀薄各貳片研

右八味搗研為末水浸炊餅心和丸菘豆大每服一

丸金銀薄荷湯化下看兒大小臨時加減

小兒夜啼

論曰經謂合夜至雞鳴天之陰陰中之陰也夜為陰盛之時凡病在陰者至夜則邪氣亦甚嬰兒氣弱府藏有寒每至昏夜陰寒與正氣相擊則神情不得安靜腹中切痛故令啼呼於夜名曰夜啼又有觸犯禁忌亦令兒夜啼者當以符術治之法見符禁門中

治小兒夜啼至明不得寐芎藭散方

芎藭

防已

白朮

右三味等分搗羅為散一月及百日兒每服一字匕

以乳汁調服半年至一歲兒每服半錢匕米飲調亦得日五服不計時量兒大小加減服之又以半錢乳汁調塗手心并臍中亦以摩兒頂上及脊至驗

治小兒夜啼腹痛芍藥散方

芍藥

芎藭

麤蟲各壹分

右三味搗羅為散一月及百日兒每服一字匕用乳汁調服半年至一歲兒每服半錢匕連夜四服量兒大小加減服之

治小兒夜啼不安此由腹痛故至夜輒劇狀似鬼祟五味子湯方

治小兒夜啼

當歸切焙

芍藥

白朮

各半兩

甘草

炙合赤色

桂

去麤皮各壹分

右六味麤搗篩一月及百日兒每一錢匕用水半盞

煎至三分去滓分溫二服兒大以意增之連夜三五

服

治小兒夜啼腹痛狀如鬼祟桂心湯方

桂壹分去麤皮

五味子兩半

當歸切焙壹分

枳殼

去瓤炒半兩

甘草

炙壹分

右五味麤搗篩一月及百日兒每一錢匕用水半盞

煎至三分去滓分溫二服半年至一歲兒准前煎作

一服不計時候

治小兒夜啼前胡丸方

前胡去蘆頭貳分

右一味搗羅為末鍊蜜丸如麻子大一月及百日兒

每服三丸用乳汁下半年至一歲兒每服五丸日三

夜

治小兒夜啼不止面青腹脹是中客忤麝香散方

麝香壹分

右一味研細每服一字匕清水調服之

治小兒夜啼至明即安寐芎藭散方

治小兒驚風至眼睛防已各半人參壹分

右三味搗羅為散二十日兒未能服者以乳汁和之

如麻子大一丸以乳汁下兒大能服散者每服一字

治小兒夜啼伏龍肝丸方

伏龍肝壹錢丹砂壹錢麝香壹錢

右三味搗研為末鍊蜜丸如菉豆大每服五丸量兒

大小加減俟夜深煎桃符湯下

治小兒夜啼立効散方

乳香壹錢燈花壹錢

右二味同研為散每服半字塗妳母乳頭上令服

治小兒夜啼蓮心散方

石蓮心兩半人耳塞半錢乳香壹分

人參兩半燈花壹錢丹砂壹分

右六味搗研為散每服半字匕薄荷湯調下不拘時

候小兒驚風

治小兒夜啼不止腹中疝痛黃耆丸方

黃耆 甘草炙 當歸切

芍藥 附子炮裂去皮 乾薑炮各壹分

右六味搗羅為末用乳汁和丸如難丸更入少許麩

糊丸如黍米大一月及百日兒每服三丸用乳汁下
半年至一歲兒每服五丸一日三五服量兒大小加
減服之

治小兒夜啼雞鳴即止代赭丸方

代赭醋淬柴

牡丹皮

芍藥

麝香別研各

右四味搗研為末鍊蜜丸如麻子大一月及百日兒

每服三丸用薄荷湯下半年至一歲兒每服五丸連

夜三四服

治小兒夜啼硫丹丸方

硫黃壹分

鉛丹炒過

右二味同研如粉以小合子內盛不固濟大火煨令

煙盡候冷以竹筒中盛紙單子封口埋在地下七日

取出更研細用飯丸如黍米大一月及百日兒每服

兩丸用冷水下半年至一歲兒每服五丸連夜三四

服

治小兒腹中卒痛啼呼悶絕半夏丸方

半夏生薑汁洗去

右一味搗羅為末用酒麩糊丸如黍米大一月及百

日兒每服三丸用薄荷湯下半年至一歲兒每服五

丸一日三五服

治小兒夜啼方

右用燈花塗乳母乳上與服

治小兒夜啼豬屎浴方

右取豬屎燒灰以沸湯淋汁浴兒并與少許服之

又方

右取母妊娠時食飲偏有所思者物以哺兒愈

又方

交道中土

伏龍肝

各半

右二味研羅為末水和少許服之

又方

右取死人朽棺木燒明照之即止

又方

右取犬頸下毛以絳囊盛繫兒兩手立止

又方

右以日未出時及日午時仰臥於牀上橫紋中屏氣

朱書作血字其夜即斷聲

又方

右取敗甌帶懸於戶上差

又方

又右取明鑑掛於床脚上差

又方取明鑑掛於床脚上差

又右於臍下書田字差

治小兒夜啼敗草方

右取荒廢井中敗草垂戶上差

又方

右取牛糞灰安母臥床下勿令母知之

又方

車輞盜取安母臥床勿令知

治小兒夜啼不止方

劉寄奴兩半

甘草壹指節許

地龍炒壹分

右三味咬咀以水二盞煎至一盞去滓時時與服

續金一百七十一

三十七

大德重校聖濟總錄卷第一百七十

本三和文... 聖濟總錄卷第一百七十



